

**Talamdan sa
Mga Mensahe alang sa Full-time Training
sa Fall Term sa 2022**

**LINANGKOB NGA HISGOTANAN:
MAGKINABUHI DIHA SA REALIDAD SA LAWAS NI CRISTO
SA PAGKAT-ON KANG CRISTO MAINGON NGA NAA NI JESUS ANG REALIDAD**

Mensahe 12

**Magkinabuhi diha sa Realidad sa Lawas ni Cristo
sa Pagkaila ug Pagsinati
Kaniya nga Tinuod—sa Tinuod nga Dios**

Basahong Kasulatan: 1 Juan 1:5-7; 5:6, 20; 2 Juan 1-2, 4; 3 Juan 1, 3-4, 8

I. Nianhi na ang Anak sa Dios ug gihatagan tag pagpanabot aron makaila ta Niya nga maoy tinuod, sa tinuod nga Dios—1 Juan 5:20:

- A. Kining pagpanabot mao ang galamhan sa atong salabotan nga gihayagan ug gigamhan sa Espiritu sa realidad aron makasabot sa diosnong realidad nga naa sa atong espiritu nga gipanganak pag-usab—Efe. 4:23; Juan 16:12-15.
- B. Ang *makaila* sa 1 Juan 5:20 mao ang kahimoan sa diosnong kinabuhi nga makaila sa tinuod nga Dios diha sa atong espiritu nga gipanganak pag-usab pinaagi sa atong salabotan nga nabag-o, nga gihayagan sa Espiritu sa realidad—Juan 17:3; Efe. 1:17.
- C. Sa 1 Juan 5:20 ang *Niya nga maoy tinuod*—o ang *Tinuod*—nagpasabot sa Dios nga nasubjectibo kanato, sa ato pa, sa Dios nga objectibo nga nahimong tinuod sa atong kinabuhi ug kasinatian:
 - 1. Ang Tinuod mao ang diosnong realidad; ang makaila sa Tinuod nagpasabot nga makaila sa diosnong realidad sa pagsinati, pagpahimulos, ug pagkabaton nato ning realidara.
 - 2. Nagpakita kini nga ang diosnong realidad—ang Dios mismo, nga objectibo kanato kaniadto—nahimo nang subjectibong realidad nato sa atong kasinatian—v. 6.
- D. Ang maanaa sa Tinuod maanaa man sa Iyang Anak nga si Jesucristo—v. 20:
 - 1. Nagpakita kini nga si Jesucristo, nga Anak sa Dios, mao ang tinuod nga Dios.
 - 2. Nagpakita sab kini nga usa ra ang Tinuod ug si Jesucristo sa paagi sa pagpuy-anay sa usag usa; sa ingon niana, ang maanaa sa Anak maanaa man sa Tinuod.
- E. Ang pulong *kini* sa versiculo 20 nagpasabot sa Dios nga nianhi pinaagi sa pagpakatawo ug naghatag natog kahimoan nga makaila Niya nga tinuod nga Dios ug organicong mausa Niya diha sa Iyang Anak nga si Jesucristo:
 - 1. Kining tinuod nga Dios kinabuhing dayon kanato aron makaambit ta Kaniya isip tanan alang sa gipanganak pag-usab nga pagkatawo nato.
 - 2. Nagpasabot ang *kini* sa tinuod nga Dios ug ni Jesucristo nga Kanila naa ta; naglakip kini sa kamatuoran nga naa ta ning Tinuod, sa Tinuod, ug nagpasabot nga, sa praktikal nga bahin, ang kinabuhing dayon mao ang Dios nga Kaniya naa ta sa kasinatian.
 - 3. Busa, ang tinuod nga Dios ug ang kinabuhing dayon naglakip sa pagkaanaa nato sa Tinuod ug sa Iyang Anak nga si Jesucristo; sa kasinatian nato karon nahimong tinuod nga Dios ang Tinuod, ug nahimong kinabuhing dayon si Jesucristo.

II. Kon makaila ug makasinati ta sa Tinuod, magkinabuhi ta diha sa diosnong kahayag, sa diosnong kamatuoran, ug sa diosnong realidad—1:5-7; 5:6; 2 Juan 1-2, 4; 3 Juan 1, 3-4, 8:

- A. Ang diosnong kahayag mao ang kinaiya sa pagpadayag sa Dios ug nisidlak diha sa diosnong kinabuhi—1 Juan 1:5-6; Juan 1:4; 8:12:

1. Ang kahayag mao ang pagsidlak sa Dios, ang pagpadayag sa Dios; mapadayag ngani ang Dios, ang kinaiya nianang pagpadayaga mao ang kahayag—1 Juan 1:5:
 - a. Ang paggawi diha sa diosnong kahayag pagkinabuhi, pagbuhat, paglihok, ug pagpa-anaa man ngani sa atong pagkatawo diha sa diosnong kahayag, nga mao ang Dios mismo—v. 7.
 - b. Mobag-o sa daang mga butang ang pagsidlak sa diosnong kahayag—2:7-8.
 - c. Kon naa ta sa pagpaambit sa Dios, makaapil ta sa kinaiya sa Dios nga kahayag ug maumol ning elemento sa Iyang kinaiya—Juan 1:5; 2 Cor. 4:6.
 2. Mosidlak ang diosnong kahayag diha sa diosnong kinabuhi—Juan 1:4; 8:12:
 - a. Ang usa ka dakong prinsipyo sa Biblia mao nga magkuyog gyod ang kahayag ug kinabuhi—Sal. 36:9.
 - b. Hain ngani ang kahayag, naa didto ang kinabuhi, ug hain ngani ang kinabuhi, naa didto ang kahayag—Juan 1:4.
 3. Ang diosnong kahayag maoy tinubdan sa diosnong kamatuoran—vv. 5, 9; 18:37:
 - a. Mosidlak ngani kanato ang diosnong kahayag, mahimo kining kamatuoran, nga mao ang diosnong realidad—8:12, 32.
 - b. Mosidlak ngani ang diosnong kahayag, matinuod kanato ang diosnong mga butang.
 - c. Kay ang kinabuhi may tinubdan sa kamatuoran ug ang kamatuoran maoy lugwa sa kahayag, maggawi ngani ta diha sa kahayag, mabatasan nato ang kamatuoran—1 Juan 1:6-7.
- B. Ang diosnong kahayag nga nisidlak diha sa diosnong kinabuhi ug nilugwa sa diosnong kamatuoran gipakalawas diha ni Ginoong Jesus, nga Dios nga nagpakaawo—Juan 1:1, 4, 14; 8:12; 9:5; 14:6:
1. Sa mga sinulat ni Juan ang Griyegong pulong sa *kamatuoran* (*aletheia*) nagpasabot sa tanang realidad sa diosnong pamatigayon nga maoy sulod sa diosnong pinadayag, nga nasulod, gipasabot, ug gipadayag sa balaang Pulong—Juan 17:17; 18:37.
 2. Ang kamatuoran mao ang Dios, nga kahayag ug gugma, nga nagpakatawo aron mahimong realidad sa diosnong mga butang nga mapanag-iya nato—1:1, 4, 14-17.
 3. Ang kamatuoran mao si Cristo, nga mao ang Dios nga nagpakatawo ug nagpuyo diha Niya sa lawas gyod ang tanang kahupnganan sa Dios, aron mahimong realidad sa tawo, sa tanang timaan ug hulagway sa Daang Tugon, ug sa tanang diosnon ug espirituhanong butang—Col. 2:9, 16-17; Juan 4:23-24.
 4. Ang kamatuoran mao ang Espiritu, nga mao si Cristo nga nausab ang dagway, ang realidad ni Cristo ug sa diosnong pinadayag—14:16-17; 15:26; 16:13-15.
 5. Ang kamatuoran mao ang Pulong sa Dios nga diosnong pinadayag, nga nagpadayag ug nagpasabot sa realidad sa Dios ug ni Cristo ug sa tanang diosnon ug espirituhanong butang—17:17.
- C. Ang sentrong butang sa 1 Juan mao ang diosnong realidad—4:13-14; 5:6:
1. Ang diosnong realidad mao ang diosnong persona—ang Amahan, ang Anak, ug ang Espiritu—nga nahimong atong kasinatian, pagpahimulos, ug bahing-nag-umol pinaagi sa pagpakatawo, pagkinabuhi isip tawo, pagkalansang sa krus, pagkabanhaw, ug pagkayab—Juan 1:14, 29; 20:22.
 2. Ang diosnong realidad mao ang Amahan diha sa Anak ug ang Anak ingon nga Espiritu nga gipaambit nganha sa pinili, tinubos, gipanganak pag-usab nga katawhan sa Dios aron makapahimulos sila Niya isip kinabuhi, sangkap sa kinabuhi, ug tanan—14:6, 12-13, 16-20.